

BERITA HARIAN, KHAMIS, 4 FEBRUARI, 1982

Bekas MB Pahang menemui Mahathir

KUALA LUMPUR, Rabu — Bekas Menteri Besar Pahang, Haji Abdul Rahim Abu Bakar, menemui Perdana Menteri, Datuk Seri Dr. Mahathir Mohamad di pejabatnya Sabtu lalu.

Sumber-sumber memberitahu Bernama hari ini pertemuan itu merupakan kunjungan biasa antara seorang pemimpin Umno dengan Perdana Menteri yang juga Presiden parti.

Pertemuan empat mata itu tidak menentukan kedudukan masa depan Haji Rahim, tambah sumber-sumber itu.

Bekas Menteri Besar itu yang pulang dari Amerika Syarikat minggu lalu menyatakan kesediaannya bertanding merebut kerusi Ketua Bahagian Umno Kuantan yang kini dipegang oleh Haji Ali Shariff jika dicalonkan.